

# JUAN

## ĩtĩárĩ jóaripũ

### Gayo añurõ tiirígue

<sup>1</sup>Gayo yũũ bayiró maĩgũ, yũũ mũũrẽ añudutia. Yũũ bũtoá dutirá menamacũ mũũrẽ niiróã maĩã.

<sup>2</sup>Yũũ mũũrẽ Cõãmacũrẽ sãĩboságu tiia, niipetire mũũrẽ añurõ wáaaro jĩĩgũ. Mũũ Cõãmacũmena añurõ yeeripũnascutirobirora mũũrẽ ñañaré, diaré wáari tiiríjããrõ. <sup>3</sup>Yũũ bayiró useniã. Sĩquẽrã Jesuré padeorá mũũye quetire wedejeawa. Mũũ diamacũ maquẽrẽ padeorucúayiro. Mũũ añurõ Cõãmacũ boorére tiigú tiiáyiro. <sup>4</sup>Yũũ buerira diamacũ maquẽrẽ tiirí tũogú, useniã. Deero tii apreyeména useninemoria.

<sup>5</sup>Mũũ Jesuré padeoráre añurõ tiigú tiiáyiro. Ápẽrá Jesuré padeorá jearácãrẽ mũũ ññamasĩhẽrã niipacari, teerora tiiáyiro. <sup>6</sup>Cũã ãsã neãrõpũ mũũ cãmerĩ maĩrécũtirere wedeeya. Mũũ pũtopũ jearáre teero tiiápurucujãña Cõãmacũ booróbirora. <sup>7</sup>Cũã Jesuyé quetire wedenũcãwara niĩya. Jesuré padeohẽra tiiápurere ñeeririra niiwã.

<sup>8</sup>Teero tiirá, cũã tiiróbiro tiiráre marĩrẽ tiiápuro booa. Marĩ teero tiirá, diamacũ maquẽrẽ wederáre tiiápura niĩã.

### Diótreres ñañarõ tiirígue

<sup>9</sup>Yũũ too macãrã Jesuré padeoráre sicapũ jóawũ. Diótreres niipetirare dutigú niidũgagu ãsã dutirẽre booríayigu. <sup>10</sup>Teero tiigú, yũũ múã pũtopũ wáagu, cũũrẽ múã ññacoropũ wedeguda cũũ ãsãrẽ wedepatirere, ãsãrẽ jĩĩditorere. Apeyeré tiiáyigu: Jesuré padeorá toopú jeari, cũãrẽ ñeeríayigu. Cũãrẽ añurõ ñeedũgara tiirí ññagũ, ñeedutihegu, cõãwionecojãrucuayigu.

<sup>11</sup>Yũũ bayiró maĩgũ, ñañaré tiirẽre ññacũrijãña; añurõ tiirẽpere ññacũña. Añurõ tiiráno Cõãmacũ põna niĩya; ñañaré tiiráno Cõãmacũrẽ masĩricua.

### Demetrio añurõ tiirígue

<sup>12</sup>Niipetira Demetrio añurõ wedeseya. Cõãmacũ booróbirora diamacũ tiiáyigu. ãsãcã cũũrẽ teerora jĩĩ wedesea. Mũũ masĩcu: ãsã diamacũ maquẽrẽ wedesea.

**Wedeyaponorigue**

<sup>13</sup>Yuu pee peti jĩdugare cwo-  
mĩã, cwojúpeja. Atipũpũre teeré  
jóaria. <sup>14</sup>Máata marĩ ããadacu,  
Cõãmacũ boorí. Toopú câmerĩ  
wedeapudacu.

<sup>15</sup>Ãñurõ niirecutire wáaaro  
mũrẽ. Ûsã menamacãã mũrẽ  
ãñudutiya. Marĩ menamacãã  
toopú niirácõrõ ãñuãrõ.  
Nocõrõã niĩã.